

# Комсомол—хө өсклгнә шеф

Торгън нооста хө өсклгн—Халымг таньгъчин элл-аху делгрүүлгънд залгч гол халх кегнь. Хө өсклгнә чинрнь, терүнәс государствд орджах олз-орунь джил ирвәс өсәд йовна.

Мана Халымг таньгъч бнъгрси 1957 джил, ноос угъадг фабрикс тал, цевр гәәвгәя гидг 900 вагон торгън ноос илгәв.

Хөбнәс киргъдж авгддг нооси джил ирвәс өсәд, немгдәл йовна.

Каракулеводческ хүрсхс государствд орулдж өглгнә зурагъан ниди джил таньгъчин совхозмуд күүцднъ цаглань күүцәцхәв.

Олн-әмтнә әмн болгънд күртмәр элл-уш гаргългъар өбрхи джилмүдәс Америкин Соединенн Штатсиг күүцхми гиси дуудвриг күүцәлгънд, селәнә элл-ахугъас гаргъгддг элл-уушиг улм элвджүүлгънд, хөбнәс гаргъгддг элл-уш йир ик чинртә.

Хөбнд сән асруль өглгн бәәринь, хаша-хаацинь тасрхан угагъар хәләдж харлгн—амр кегр биш. Эн йир нәрн тбр. Энүгиг күүцәлгънд ик оныг, ик килмдж кегртә.

Өнъгрси, 1957 джил, таньгъчд цаарандан хөбнә өслтин джил болв. Ниднәк джилин арви неги сарин тоогъар болхла, Халымг таньгъчин хөбнә тонь, 285 минъгън немгддг өсв.

Торгън нооста хөд өскхд мана таньгъчд хамг нег кегртә тоотнъ цугъарн бәәнә. Хөбнә ард дахад, дамшад, хурцдал бәәси, сән медрлтә кесг гәәвгәя гидг. хөбчнр бәәцхәнә.

Болв зуг хөбнә тонь джил ирвәс өсәд йовдгин учрар болн медрлдж йовх хөбчнриг багъчуд сольх зөвтә болсар, хө асрлгъна, хө өсклгнә кәдлмшт джил болгън кесг зун багъчуд илгәгднә.

Таньгъчин комсомольск организац—хө өсклгнә кегр күүцәлгънд шеф болджана.

Ниди джил Халымг таньгъчин комсомольск организацнәәмн зу шаху баахн күүкл,

көвүд илгәлә. Теднәс кесгнъ нертә хөбчнр болцхав. Яшалтинск района 383-ч совхозд хөбч болдж Люба Орехова күүкн кәдлджәнә. Эн күүкн арви класс төксәчкәд, хө өсклгнә кегр ик ачта, тустагъинь медрнә учрар, әврәнни сән дурар хөбч болдж кәдлджәнә.

Таньгъчин комсомольск организац, комсомольчнр, багъчуд Карачаево-Черкесск автономн областиг социалистическ дбрлдәнд дуудцхасн, бий деерән авси даалгъвран му бишәр күүцәдж йовцхана.

Ниди джилин хаврар таньгъчин комсомольск организацданъгъар 4000 комсомольчнр, багъчуд сакманщикул гидж хөбнә отармуд тал йовулла.

Таньгъчд багъчудин 216 хөбч бригадс бурдәгдси бәәнә. Багъ наста хө өскәчнр нургълдж хәрүлдж йовх хөбдән сәәнәр хәләдж, бүтн-бүрн бәрлдж, хадгълдж йовцхана.

Хөбчнр беллгнә тускар ниди джил Приозерн боли Целинн райодин комсомольск организацс сән седвәр эклцхәлә. Болв зуг әднд КПСС-н райкомснъ чигн, селәнә элл-ахун таньгъчин управлень чигн цаглань дөнъ-нөкд эс болсна учрар, олд элвгәр тархагдх зөвтә эн иим сән седвәр тбрүц тархагдси уга.

Хө өсклгнә кегрт таньгъчин комсомольск организацн, таньгъчин цуг багъчудин йир шунмгъа орлцлгн кегртә.

Шамдгъа, гавц, түргн көлтә баахн күүкл, көвүдт хө өсклгнә тбрмүд күүцәлгънд, цугъараднъ кех кәдлмш олдхми.

Энъ-шаджу уга Халымгин өргн, у теегт, кесг минъгън хөд идшлдж йовна. Эн—государствин ик зөбр. Эн иим сонън сәәхн, үнтә зөбр лавта итклтә гарт даалгъгдх зөвтә.

Таньгъчин багъчуд урднъ бас кесг даалгъврта тбрмүд ик нертә кевәр күүцәдж йовцхасн, ода хө өсклгнә кегрүд күүцәлгънд чигн урдк кевәрн, ик шунлтта, зөрмг кевәр орлцдж нердән туурулцхах гидж ицх кегртә.